



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bona Volvntas Optimæ Consentiens. Seu De Sequendo In
Omnibus Ductu Providentiæ Diviniæ**

Foullon, Jean E.

Leodii, 1657

XIII. Celeritas.

[urn:nbn:de:hbz:466:1-54992](#)

34 BONA VOLUNTAS

ginta & uno, octingentis octoginta qua-
tuor millibus, nongentis quinquaginta
tribus: id est millionibus circiter horaria-
rum leucarum tribus supra quinquaginta.
Itaque si illinc molaris devolveretur, et si
millia passuum ducenta in horas singulas
impulso naturali conficeret, ante nona-
gesimum tamen annum terram non attin-
geret. Ut vel ob hanc caussam accommo-
datissimè Deus in Sacris literis vocetur
Altissimus, & Christus dicatur *Filius Altissi-
mi*, & ab Angelis *Gloria Deo in excelsis can-
tata sit*, & Isaias viderit *Dominum sedentem
super solium excelsum & elevatum*.

XIII. De velocitate autem immensæ il-
Celeritas. illius machinæ vix sine vertigine
cogitari seriò queat. Stellas lineæ æqui-
noctialis, scribit Clavius in Sphæræ caput
nonum, emitiri hora una milliarium
milliones quadraginta duos, trecenta
octoginta quatuor millia, quadringenta
triginta septem: id est, ut rectè colligit
Richcomus, horiarum leucarum mil-
liones circiter quatuordecim. Quantum
scilicet eques vix millibus annorum tribus
confi-

conficiat: quantâ velocitate non feratur
glans ferrea, tormento murali impulsa, si
septies terram circumvolet, dum semel
Salutatio Angelica percurritur. Quod
celeritatis in tam vasto corpore miracu-
lum intellectus humanus, quām velocissi-
ma conceptione, sequi non potest.
Atque adeo quidam eo miraculo abster-
riti, alium cælorum situm motumque de-
scribere moliti sunt; nec tamen, utcum-
que cogitârint, incogitabilem prorsùs
perniciatem orbium illorum evasere.
Itaque à Vate Regio verissimè dictum
Psalmi 18. *Celi enarrant gloriam Dei*, ser-
mone muto illo quidem, sed aperto ac
velociter currente quotidianæ revolubili-
tatis. Et postquam Deum auctorem,
motorem, gubernatorem mortalibus præ-
dicavere, docent illos exemplo suo debi-
tam Supremi Numinis voluntati obser-
vantiam. Stellæ enim in custodiis suis
dicunt; cum Propheta Baruc, *adsumus*,
& lucent ei qui fecit illas. Non sibi lu-
cent, sed Deo: nec, si velle possint, aliud
velint quām Deus. Obscuritatem, lumen,

motum, molem suam amant, quia voluit Deus. Custodiis quæque suis & stationibus fixæ sunt, quia vult Deus. Trepidabunt, si trrepidationis motus in cœlo est: in oppositum impulsui suo rapientur, extinguentur, corruptentur, corruent, si volet Deus. Utinam Christiani, quorum conversatio in cælis esse debet, discant loqui lingua cælorum, & facere verbum Domini, nec præterire præceptum quod posuit.

XIV. *Hominis contemplatio.* Difficilis fortassis quibusdam ea lingua videatur: familiariorem itaque audiamus, & domesticam humani corporis. Sexcentos in illo musculos medici deprehendere, eorumque officia sexies mille. Ossa trecenta annumeravere, alia aliis inserta & infibulata: singulorumque officia quadraginta, id est universorum millia duodecim. Osseam compagem specta, quod σκέλος dicimus, & cum medicorum principe eloquentissimum artificis sui panegyricum fatebere. Adde illi arborem venarum ex hepate nascentium, arteriarum è corde,

nervo-